

Powšitkowne WOZJEWJENJA

njedźelu, 29. apryla 2018

TCM přeprošuje na mejski nyšpor do Róžanta

Na našim serbskim hnadownym městnje w Róžeńće sławmy a prošmy mać Božu wo zastupnu próstwu pola jeje syna Jězu Chrysta za naš lud a kraj: zo bychmy dale žiwje wěрили do zrowastanjeneho Chrystusa. Do paćerja chcemy tež wšu swětowu cyrkej zapřijeć a so wo měř na zemi modlić.

W tutym zmysle přeprošuju w mjenje Towarstwa Cyrila a Metoda z.t. (TCM) wěriwych ze wšitkich wosadow njedźelu, 6. meje, w 17.00 hodź. na wosebity mejski nyšpor do hnadowneje cyrkweje w Róžeńće. Chróšćanski cyrkwinski chór jón hudźbnje wobruhi.

Jurij Špitank, předsyda TCM

Beneficny koncert

Za wjacore socialne projekty w bołharskim měsće Razgradže přewjedže Towarstwo swjateje Filomeny z.t. njedźelu, 29. apryla, wot 14.30 hodź. we Łazku beneficny koncert. Mjez druhim wustupi Carolina Eyckec ze swojim tereminom. Koncert wuhotuja sobu Chróšćanscy muzikanća, chór Delany a Smjerdžečanska rejewanska skupina.

Spominanje na fararja Jurja Wingerja

K spominanju na něhdyšeho redaktora Katolskeho Posoła, fararja Jurja Wingerja z nyšporom wutoru, 1. meje, w 19 hodź. w Chróšćicach přeprošujetej Towarstwo Cyrila a Metoda. z.t. a tamniša wosada. Na kóncu budže jeho ponowjeny narowny pomnik při Božim domje znowa poswjećeny. Chróšćanski cyrkwinski chór nyšpor wobruhi. Po nim scěhuje na farje čitanje z twórbow fararja Wingerja, kotryž je před sto lěty zemřel.

Wulět samostejacych

Wulět samostejacych ze serbskich wosadow budže štwórtk, 21. junija, a powjedže na hnadowne městno Krzeszów w Pólskej. Zajimcy njech so hač do pónđzele, 11. junija, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta w Posole wozjewja.

Wohnjowi wobornicy do Róžanta

Džakna Boža mša wohnjowych wobornikow ze Zarjadniskeho zwjazka „Při Klóšterskej wodze“ budže na swjedženju swjateho Floriana, pjatk, 4. meje, w 19 hodź. w hnadownej cyrkwi w Róžeńće. Kemše budže Drježdžansko-Mišnjanski biskop Heinrich Timmerevers swjećić. Wšitcy wobornicy kaž tež hosćo su k tomu přeprošeni.

Džěci njech spěwaja sobu

Projektowy chór serbskich džěci wobruhi Božu mšu lětušeho putnikowanja starych a chorych ludźi, kotraž budže sobotu, 12. meje, w Róžeńće. Zajimowane džěci su wutrobnje přeprošene sobu spěwać. Proba k tomu budže sobotu, 5. meje, wot 9 do 14 hodź. we Worklečanskim Don Boskowym domje. Witani su tež wšitcy, kotrež hewak w šoli njespěwaja. Dalše informacije dóstanjeće w Don Boskowym Domje abo pola wjednikow jednotliwych šolow. Přizjewić měli so zajimcy hač do srjedy, 2. meje, pod telefonowym čisłom (03 57 96) 8 87 07 abo z mailku na worklecy-kise@gmx.de

Ministrantska kopańca

Dekanatne dušepastyrstwo přeprašuje ministrantow ze serbskich wosadow na koparski turněr. Tutón wotměje so wutoru, 22. meje, w Pěškecach. Započatk budže w 9.00 hodž. z Božej mšu we wjesnej kapałce. Mustwa měli so hač do wutory, 15. meje, pod worklecy-kise@gmx.de abo pod telefonowym čisłom (03 57 96) 88 707 přizjewić. Hraje so małym polu we wobsadce 7:1.

Projektowy chór za putnikowanje młodžiny

Młodostni, kotřiž rady spěwaja, su přeprašeni, Božu mšu na putnikowanju młodžiny njedzela, 27. meje, w Róžeńce wobrubić. Probye na Chróšćanskej farje budžetej pjatk, 4. meje, wot 19.30 hodž. (po kemšach) a sobotu, 12. meje, wot 10 do 12 hodž. Zajimcy njeh so prošu we Worklečanskim Don Boskowym domje přizjewja, telefonowe čisło (03 57 96) 9 55 95 abo z mailku na don.boskowy-dom@t-online.de.

Mjezynarodne putnikowanje k wujednanju

Wěriwi z Pólskeje, Němskeje a Českeje su na mjezynarodne putnikowanje k wujednanju sobotu, 5. meje, do Hejnic w sewjernih Čechach přeprašeni. Hłowny celebrant Božej mše, kotraž zahaji so w 10.30 hodž. budže Budyski tachantski farar Wito Sćapan. Po kemšach poskića tam wobjed. Popołdnju w třoch ma so tak mjenowany Einsiedelstein, ponowjeny wuhladny dypk nad Hejnicami, poswječić. Putnikowanje měri so wosebje na pólskich, českich, serbskich a němskich wěriwych.

Putnikowanje do Armenskeje a Georgiskeje

Za putniku jězbu z lětađlom wot wutory, 12. junija, do njedzele, 24. junija, do Georgiskeje a Armenskeje su hišće někotre městna swobodne. Zajimcy měli so hač do njedzele, 13. meje, pola Maćija Hadanka w Hórkach, Sydlišćowu puć 2, přizjewić, telefonowej čisle (01 63) 7 33 82 05 abo (03 57 96) 9 54 28 (po 19 hodž.).